



No Pazo da Deputación de Lugo, sendo o día 29 de outubro de 2014

REUNIDOS

Dunha parte **Dona Pilar García Porto**, na súa calidade de Delegada de Economía, Recadación e Facenda, na que delegou a sinatura de "*convenios*" por Decreto número 2821/2011, de data 15 de xullo de 2011 o Ilmo. Sr. Don José Ramón Gómez Besteiro, na súa calidade de Presidente da Deputación de Lugo, e doutra **D. José A. Ferreiro González** en calidade de Alcalde-Presidente do Concello de **O Corgo**.

Asiste como fedatario público **Don José Antonio Mourelle Cillero**, en calidade de Secretario Xeral da Deputación de Lugo.

As partes na forma referida.

MANIFESTAN

I.- Que a Deputación de Lugo en Pleno de data 27 de novembro de 2007, adoptou o acordo polo que se reforman as bases que rexen a aceptación e asunción, por delegación expresa, de competencias en materia de xestión, inspección e recadación en relación a tributos, prezos públicos e outros ingresos de dereito público, e no Pleno do día 28 de outubro de 2008 reformanse as bases décima e décimo primeira.

II.- Que o Concello de O CORGO adhírese ás Bases referidas, e con data 1 de agosto de 2014, adoptou o acordo do Pleno de delegación de competencias, e no Pleno que tivo lugar o día 25 de setembro de 2014, foi corrixido un erro de prazos de vixencia (punto 11).

Para tales efectos ambas as dúas partes conveñen en formalizar o presente documento establecendo as seguintes:

CLÁUSULAS

CLÁUSULA PRIMEIRA. - Contido

A Deputación de Lugo de conformidade co disposto no art. 106.3 da Lei 7/1985, do 2 de abril, Reguladora das Bases do Réxime Local e o art. 7 do texto refundido da Lei Reguladora das Facendas Locais, aprobado polo Real Decreto Lexislativo 2/2004, do 5 de marzo, asume, por delegación expresa do Concello de O Corgo, as seguintes competencias:



1-Todas as competencias que o Concello de O Corgo ten atribuídas en materia de xestión, inspección e recadación, tanto en período voluntario coma en período executivo, reguladas no vixente texto refundido da Lei Reguladora das Facendas Locais, xa estean atribuídas, directamente, pola propia norma, ou sexan asumibles en virtude dos convenios de delegación ou acordos de colaboración que a Deputación de Lugo puidese celebrar con calquera das Administracións públicas, dos seguintes impostos:

1.1- Imposto sobre Bens Inmóbles

1.2- Imposto sobre Actividades Económicas

1.3- Imposto sobre Vehículos de Tracción Mecánica

2.-As competencias de xestión recaudatoria en período executivo de todas aquelas débedas derivadas de liquidacións periódicas, ou non periódicas, realizadas polos concellos en período voluntario, incluídas as sancións e aquelas outras derivadas dun acto administrativo, en virtude do cal houbese de satisfacerse cantidade líquida.

CLÁUSULA SEGUNDA: Condicións da delegación:

1- Réxime Xurídico

Para o exercicio das competencias delegadas, a Deputación de Lugo aterase ao disposto as bases aprobadas pola mesma, ao ordenamento xurídico local e demais lexislación aplicable de conformidade coa normativa reguladora das facendas locais, así como normativa en materia de xestión, inspección e recadación que puidese ditar a Deputación de Lugo, en uso da potestade regulamentaria prevista no art. 106.2 da Lei 7/1985 do 2 de abril.

A Deputación de Lugo, segundo o réxime de competencias dos seus órganos, poderá ditar disposicións sobre interpretación ou aplicación da normativa anterior, e aprobar os períodos de pagamento de cada un dos tributos

2- Alcance do exercicio das competencias delegadas.

A delegación de competencias supón que, a Deputación de Lugo, asume a totalidade de funcións e atribucións, tanto en relación a actuacións materiais, como executivas.



O Concello poderá avocar para si, coa conformidade da Deputación de Lugo, a tramitación de determinados expedientes que, pola súa repercusión económico-social, resulte aconsellable.

Calquera outra actuación do Concello no ámbito das competencias delegadas suporía un incumprimento do presente convenio.

En ambos os dous supostos, por parte da Deputación, procederase a formular data das liquidacións ou cargos a afectados, e quedará exenta de responsabilidades que puidesen producirse no futuro, e sen que poidan ser cursadas de novo para continuar o procedemento.

En particular sinálanse como competencia da Deputación:

-Declaración de insolvencias e créditos incobrables.

-Actuacións xudiciais en relación a procedementos realizados pola Deputación no marco destas bases, e actuacións xudiciais en materia concursal.

3- Mellora da xestión tributaria do Concello

A Deputación de Lugo poderá, directamente ou mediante convenio con outras administracións públicas, prestar a súa colaboración para a mellora da xestión tributaria do Concello, podendo proceder á contratación, con empresas especializadas, de traballos de asistencia técnica, ás condicións da cal poderán acollerse o concello.

4- Formas de xestión.

A Deputación de Lugo poderá exercer as competencias delegadas a través de calquera das formas de xestión de servizos previstos pola Lei.

5- Contías mínimas

Non se procederá á xestión (liquidación ou recadación) daquelas débedas inferiores á contía que se estime ou fixe como insuficiente para a cobertura do custo que a súa exacción ou recadación represente, segundo os criterios que estableza o Ministerio de Economía y Hacienda en desenvolvemento do art. 16 da Lei 47/2003, de 26 de novembro, Xeral Presupostaria, ou norma que a puidese substituír.



Non obstante poderanse acumular aquelas débedas inferiores á citada contía, referidas a un contribuínte e concepto, polo mesmo exercicio económico.

6- Cargos en período executivo

Os cargos que realice o Concello para a súa xestión recaudatoria en período executivo, haberán de acompañarse dun soporte informático no que se incorporen todos os elementos das débedas tributarias. Os devanditos cargos haberán de ser remitidos á Deputación de Lugo, como tempo máximo, no exercicio seguinte a aquel en que se realizara a cobranza en período voluntario.

7- Colaboración do Concello

O concello prestará á Deputación de Lugo a colaboración que resulte necesaria para a boa prestación do servizo.

8- Compensación económica

Polo exercicio das funcións delegadas a Deputación de Lugo percibirá unha compensación económica consistente en:

- a) O 3% do principal e dos xuros recadados en período voluntario.
- b) El 75% da recarga en período executivo procedente, e dos xuros recadados neste período.

Estas porcentaxes poderán ser revisados á baixa pola Deputación de Lugo, en función da evolución dos ingresos e custos do servizo.

9- Entregas a conta

A Deputación de Lugo realizará entregas mensuais, sen custo para o Concello, a conta da recadación en período voluntario das débedas de notificación colectiva por padrón, que ha de recadar en cada exercicio, segundo competencias delegadas.

O importe das entregas a conta calcularase sobre o 90% da recadación, por padróns do exercicio anterior, repartido en 12 mensualidades.



O importe da recadación do exercicio anterior sobre a que se realizará o cálculo do 90 % poderase axustar en aqueles importes de liquidacións que modifiquen de forma certa o padrón do exercicio no que se realiza o anticipo.

10- Liquidacións provisionais e definitiva

10.1- Liquidación provisional

A Deputación de Lugo, para os efectos informativos, practicará liquidacións provisionais coa seguinte periodicidade:

- Mensual: recadación en período voluntario de padróns.
- Trimestral: recadación en período voluntario de liquidacións individuais e recadación en período executivo.

10.2- Liquidación definitiva

No primeiro trimestre do exercicio seguinte practicarase liquidación anual e definitiva e producirase o ingreso do importe definitivo de recadación do que se deducirá:

- O importe das entregas a conta mensuais.
- Devolucións de ingresos indebidos.
- A compensación económica a que se refire a base décima pola prestación do servizo.
- Calquera outro importe que proceda, relacionado coas competencias delegadas.

En relación a esta liquidación anual, unha vez comunicada ao Concello, este poderá, no prazo dun mes, alegar o que estime pertinente, así como achegar calquera tipo de documentación. Transcorrido o prazo sinalado, sen que se presenten alegacións, a liquidación anual entenderase definitivamente aprobada.

Polo Presidente da Deputación, resolverase sobre as alegacións formuladas e sobre a aprobación definitiva da liquidación anual.



DEPUTACIÓN DE LUGO

11- Réxime de vixencia

11.1-O presente convenio terá unha vixencia que se inicia o día da súa publicación no Boletín Oficial da Provincia e no Diario Oficial de Galicia e finaliza o día 31 de decembro de 2018.

11.2- O prazo inicial de delegación renovarase, automaticamente, por períodos de DEZ ANOS, se ningunha das partes manifesta, expresamente, a súa vontade en contra, mediante acordo plenario adoptado, e comunicado cun mínimo dun ano de antelación á data de vencemento.

11.3- Durante a vixencia da delegación, e sen que afecte ao período sinalado nesta, o Concello poderá ampliar o seu contido dentro do marco establecido nas novas bases, mediante acordo plenario comunicado á Deputación de Lugo e producirá efecto dende a data da súa publicación no BOP e o DOG.


11.4- Este Convenio manterá a súa vixencia naqueles supostos de cambios normativos que non varíen o réxime de delegación, ou establezan tributos ou outros ingresos públicos que substitúan os actuais.

E para que conste e obrigue ás partes asinase o presente convenio en dous exemplares, no lugar e data ao principio expresados.

A Deputada Delegada de Economía,

Recadación e Facenda.

O Secretario Xeral da
Deputación de Lugo.



O Alcalde-Presidente

do Concello de O Corgo